

ՓՐԿԵ՛ՆՔ ԱՐՑԱԽԸ ԱՄՈՒՐ ՊԱՀԵՆՔ «ՄՀԵՐԻ ԴՈՒՌ»Ը

Ղարարադեան շարժման թէ՛ օրերին, երբ ազդովին ամբոխուած փողոցներում ու հրապարակներում գոչում էինք՝ «Ղաւրարա՛ր», մենք դիտակցում էինք, որ դժուար է լինելու այդ ուղին: Եւ սակայն, ոչ մի դժուարութիւն չէր կարող մեզ ետ պահել պայքարի այդ ուղուց: Ժողովուրդն արթնացել էր եւ փորձում էր թօթափել երկար տարիների թմբիրը: Կային պուշուտներ, սրունք դեռ չէին ձերբազատուել մտայն անցեալի վախից: Սակայն նրանք էլ հետզհետեւ միացան ընդհանուրին՝ ըմբռնելու ազգային դարձօնը:

Ազգային դիտակցութիւնը վերածուել էր քաղաքացիական խորը դիտակցութեան: Մենք դուրս եկինք, որ ուժ ենք: Ժայթքել էր հրարուխը, որի առաջն առնել ոչ ոք չէր կարող: Չէ՞ որ հսկայ տէրութեան մէջ առաջինն էինք, որ համարձակուեցինք փշրել բռնատիրութեան կապանքները: Դա թէ՛ պարտաւորեցնող էր եւ թէ՛ վտանգաւոր: Գիտէինք, որ բազմաթիւ փորձութիւնների ենք ենթարկուելու: Եւ ենթարկուեցինք: Բայց եւ դիմացանք: Բարձր կազմակերպուածութեամբ ու ազգային արժանապատուութեան դիտակցութեամբ անցանք բոլոր փորձութիւնների միջով:

Մեր հիմնական հաւաքատեղին՝ թատերական հրապարակը, դարձաւ քաղաքական մեր հասունացման իւրայատուկ զբոսը: Սերունդներն աճեցին, հասակ առան այդ հրապարակում: Ինձ թուում էր թէ մենք մինչ այդ միայն Ֆիլիքական ներկայութիւն էինք ապահովել այս մեծ աշխարհում, իսկ հիմա փոխուել էր ամէն ինչ: մենք մասնակից էինք դառնում աշխարհի մեծագոյն իրադարձութիւններից մէկին: Աւելին՝ մենք ելել էինք յեղաշրջելու մի ամբողջ համակարգ, որն անյաղթելի էր համարուում:

Շատերի համար Ղարարազը հետո մի տեղ դանուող, անձանօթ, աշխարհազրահան մի վայր էր: Իսկ 88-ի Փետրուարից սկսած այն դարձաւ մեր մտահոգութիւնների կենտրոնը: Եւ Մայր Հայրենիքի հետ Ղարարազի վերամիաւորման խնդիրը դարձաւ հրամայական:

88-ի ամռանն էր, որ առաջին անգամ ուսուցիչներին մի խմբով եղանք Ղարարազում: Վերջապէս մօտիկից տեսանք հինաուրը Արցախն ու բազմաչարչար արցախահայութիւնը: Ու եւ այդտեղ էր, որ հասկացայ, թէ ինչու են պոչաներն ու երգիչները այդքան ջերմ խօսքեր նուիրել Արցախացուն: Երեւի եկել են ու տեսել իրենց հողին ու ջրին նուիրուած հայրենասէր այդ մարդկանց: Հիացել են ու ողբերգունքով նրանց հպարտ ու խիզախ ոգով, սովորու եւ իրաւունքները երբեք չզիջելու նրանց պատրաստակամութեամբ:

Մեծ հաճոյք էր Արցախցիների հետ գրուցելը՝ նրանց խօսքից բխում էր իմաստութիւնն ու լուսատեսութիւնը: «Մենք արդար ենք, քանի որ մեր պայքարն արդարացի է՝ մենք չենք խլել ուրիշի հողը, մենք միայն ուզում ենք պաշտպանել մեր հողը, մեր օջախը, մեր պատիւը»:

Տասնհինգ օր շարունակ մենք վայելում էինք Արցախցիների անսահման հիւրասիրութիւնը: Իւրաքանչիւր տուն մեզ ընդունում էր սրտարաց հիւրընկալութեամբ: Չնայած դժուարին պայմաններին, մեզ հիւրընկալողները կարողացան ապահովել տեսարժան վայրերի մեր շրջապայումը:

Չարմանալի կենտրոնաւոր մարդիկ են Արցախցիները՝ ապրում էին անտանելի պայմաններում, բաւարարուած չնչին պաշարով, բայց եւ ոչ մի դժգոհութիւն չէին արտայայտում: «Մ'յա է, որ կայ, պէտք է գիտնանալ», - ասում էին նրանք: Չմեռնանք էին կացնում գարնան յոյսով, ամառը՝ աշնան յոյսով: Թուում էր թէ ինչ որ մի մեծ հաւատ էին նրանք խարսխել այդ հողում, եւ մի անտի ու անսահման համբերութիւն ամբարել իրենց սրտերում:

Յանձին Ղարարազի ժողովրդի, եւ կարծես երկար տարիներ մեզինց խլուած եւ

խնամքով թաքցրած մի անդին դանձ էր յայտնարեւել: Նրանց անկաշառ հայրենասիրութիւնն ու ամբալուռ կամքը ողբերգութեամբ էին մեզ: Հողի կանչն էր երգում այդ մարդկանց երակներում: Իսկ պատկանական օջախի ջերմութիւնը՝ սրբութիւն սրբոցը, պահպանում էր աչքի յոյսի պէս:

Շուրժաւաւ համբերութեամբ լցուած Ղարարազում սիրտը ներող էր ու հանդուրժող անգամ թշնամու նկատմամբ: Դարերով իրար կողքի ապրած լինելով այլազգիների հետ, նրանք սովոր էին հարեւանութիւն անելու եւ մտքներով անգամ չէր անցնում, որ հարեւանը կարող էր ներխուժել իրենց տներն ու փշրել, մորթել, թալանել, բռնաբարել: Այս ամէնի համար Ղարարազցին ունէր միայն մի պատասխան. «Թէ՛ տղամարդ են, թող դան մարդավարի կուռենք»:

Փոխկիտիւ եկան ու դնացին դժման ու բռնակալ զենեւալներ: Սակայն անասան մնաց զարարազում անկոտրում կամքը: Նա ոտքի էր ելել պաշտպանելու ազգային ինքնորոշման իր իրաւունքը եւ ոչ ոք չէր կարող ստիպել նրան ետ կանգնելու իր պայքարից:

Յիշում եմ մի դէպք, որ պատմեցին մեզ Ստեփանակերտում: Պարեալային ժամի յայտարարման հետ կապուած արդէլ էին ժողովուրդական համահաւաքները: Իսկ ժողովուրդը չէր ուզում կորցնել հաւաքների ստեղծած համախորտ միջնորդութեամբ, որն օրուայ հացից աւելի կենսական էր այդ օրերին: Չինուորները, որ գտնուում էին Ստեփանակերտի քաղաքային հրապարակում, մտածում էին որ իրենց գործն աւարտուած է, քանի որ նախօրք յայտարարուած համահաւաքի ժամն էր եկել, իսկ հրապարակում իրենցից զատ ուրիշ մարդ չկար: Մէկ - երկու բողբոջներ նրանց ականջին են հասնում ծանօթ յանդուր կոչերը՝ «Հա՛-յա՛-տա՛ն», «մի՛-ա՛-ցո՛ւմ», «Ար-ցա՛խ»: Ժամեր են անցնում, իսկ զինուորները այդպէս էլ չեն կարողանում յայտնարեւել ժողովրդի հաւաքի տեղը: Իսկ ժողովուրդը՝ փակուած տներում, հերթով բացում է պատուհանները եւ գոչում յանդուր բռնորդը: «Այնուամենայնիւ մեր համահաւաքը կայացաւ», - հարատօրէն կերտակեց պատմողը:

Աղբիւրների նկատմամբ Ղարարազցիները ոչ թէ սխալալուծեամբ էին լցուած, այլ խղճահարութեամբ, ինչպէս որ միշտ պատահում է, երբ թոյլը խղճուկ քայլերի է դիմում ուժեղի նկատմամբ: Պատմում էին մի դաւեշտական դէպք Ստեփանակերտի Ինստիտուտի մի ազգերի դասախօսի մասին: Երբ Հայերը, ի պատասխան Աղբիւրների ջարդարար վայրագութիւններին, մեքենաներ էին յատկացրել ազգերի դասախօսներին եւ ուսանողներին, որ խաղաղ կերպով հեռանան Ստեփանակերտից, նրանք դնացել, հաստատուել էին Շուշիում: Իսկ երկկողման, Մոսկուայի կենտրոնական հեռատեսիլը՝ պատահածը որպէս Հայերի կողմից թոյլ արուած բռնութեան փաստ ներկայացնելու համար ընտրել էր ազգերի դասախօսներից մէկին, որ որքան կարող էր դունկ ներկայացնելի դէպքը: Վերջինս էլ, բնական է, ոչ մի փաստ չունենալով, սկսել էր փրփրալից բղբուել, թէ իրը Հայերը խուժեցին դասախօսներին եւ ասացին. - «Է՛լեր, սոյժեր, ոչխարներ, դո՛ւրս կորէք այստեղից»:

Յաջորդ օրը հայ մտաւորականներից մէկը հանդիպում է ազգերի դասախօսին. «Համա թէ՛ դիպուկ ներկայացրեցիք ինքզինք ազգից», - ասել էր նա:

Ակամայ յիշեցի մեր էպոսի հերոսներին: Էպիկական կերպարներում խտացած գերբնական կամքն ու կորովն էի տեսնում եւ Արցախցիների մէջ: Դասիթների ու Մհերների մի նոր Սասուն էինք յայտնարեւել կարծես: Եւ երջանիկ էի ու սրտով խաղաղուած՝ Փայփայում էի այն միտքը, թէ Արցախը «Մհերի դուռն է՝ սրբազան քարաժայռը, որից դուրս է ելնելու վերջապէս Մհերը եւ ազատելու մեր աշխարհը»:

Դժուար էր բաժանուելը Արցախից ու

Արժանիւնայ նամակակի

Լ. ՏԷՐ-ՊԵՏՐՈՍԵԱՆԻ ԱՅՑԵԼՈՒԹԻՒՆԸ

ԽՄԲ. - Թէեւ յապաղած, բայց եւ այնպէս կը հրատարակեմք Պուէնոս - Այրէսի մեր աշխատակցին այս մանրամասն բըղբուկուրիւնը գոր նոր ստացամբ:

Յունիս 10 - 11-ին, Հայաստանի Նախագահ Լեւոն Տէր - Պետրոսեանի Արժանիւնայնայնութիւնը, թէեւ սահմանափակուած Պուէնոս - Այրէսի եւ 27 ժամուան տեւողութեամբ, «պատմական» որակումին արժանանալու բազմաթիւ յատկանշներ ունեցաւ:

Ամէնէն կարեւորն է, մեր կարծիքով, պետական մակարդակի վրայ տրուած յատուկ կարեւորութիւնը: Սկսելով օգակայանի մէջ ընդունելութենէն, ուր զինքը դիմաւորեցին Արժանիւնի Նախագահ Գարուս Մենչիմ, Արտաքին Գործոց Նախարար Կիտո Տի Թելլա, Արդարութեան Նախարար Լէոն Արսլանեան, Պուէնոս - Այրէսի քաղաքապետ Գարլոս Կրոսո եւ Դրամի Տան (չչփոթել դրամատան հետ) Նախագահ Արմանտո Կոստանեան, մինչեւ մեկնումը, Յունիս 11-ի երեկոյեան, Արժանիւնի Նախագահի օգանաւով դէպի Ռիօ Տը Ժանէյրօ, մասնակցելու համար բնագահական զերաստիճանին, ակներեւ էր հայկական պատուիրակութեան հանդէպ հոգածութիւնը: Պէտք է մոռնալ, անշուշտ, արժանիւնահայ համայնքի ներկայութիւնը, հայ պաշտօնատարներու դրամած զիրքը, ինչպէս եւ, հաւանաբար Մայիս ամսուն Մենչիմի այցելութիւնը Թուրքիա, ուր փորձած է խորացնել Արժանիւնի հետ անտեսական յարաբերութիւնները եւայլն: Հայաստանի Նախագահի այցը զուգէ առիթ եղած կ'ըլլայ «քուսուելու» իր թրքասիական արտայայտութիւնները՝ յաչս Արժանիւնահայերու:

Լեւոն Տէր - Պետրոսեանի այցելութեամբ, Արժանիւնի եւ Հայաստան ստորագրեցին երեք կարեւոր փաստաթուղթեր: Համադորձակցութեան ընդհանուր պայմանագիր, քաղաքական խորհրդակցութեան եւ մշակութային փոխանակման պայմանագիր: Առեւտրա - անտեսական պայմանագիրը, որ նախօրք ուղարկուած էր Արժանիւնի Արտաքին Գործոց Նախարարութիւն, «կորսուած» է դիւանական լարիւրինթոսներու մէջ եւ, ըստ հաւաստիացումներու, չուրջ երկու ամիսէն ստորագրութեան պատրաստ պիտի ըլլայ:

Միս կողմէ, Խորհրդարանի զոյգ բա-

նրա ջերմաշունչ մարդկանց: Մենք մեզ հետ տանում էինք հազար ու մի նուիրական յիշողութիւններ, կապուած այդ սուրբ հողի ու խորախորհուրդ ժողովրդի հետ:

Իսկ այսօր անինայ հոսում է Արցախցու արիւնը: Կենաց ու մահու պայքարի է ելել Արցախցին եւ վստահաբար որդեկրել է «Ազատութիւն կամ մահ» կարգախօսքը: Ինձ համար անըմբռնելի է որոշ «հայրենասէր»ների աճուրդային տրամադրութիւնը Արցախի օգնութեան հարցում: Մենք արդէն ունենք մեր գործող Խորհրդարանը Հայաստանում. դրան մասնակցող կուսակցութիւններն ու խմբաւորումները կարող են սրտի ուղիւմ չափ վիճել եւ մըրցակցել: Եւ չեմ կարծում թէ այսօր որեւէ մէկ կուսակցութեան պատիւ կը բերի՝ Արցախին կազմակերպուած եւ համատեղ օժանդակելու փոխարէն, անխտաճութեան սերմեր ցանել միարանուելու կարօտ մեր ժողովրդի մէջ: Ասել է թէ մենք մեր թշնամու խարդախ ձեռքը բռնած օգնում ենք իստիանելու մեր ազգի դարաւոր երազները իրականացումը: Իսկ Արցախցին ունի միայն մէկ նպատակ եւ ծրագիր՝ փրկել Արցախը: Եւ զա կարօտ է համայն հայութեան հոգատարութեան:

Փրկէ՛նք Արցախը. ամուր պահենք «Մհերի դուռը»:

ՀԻԼԳԱ ՄԵԼԻՔԵԱՆ
ԼՈՍ ԱՆՃԵՐԸ